

國朝閨閣詩鈔

國朝閨閣詩鈔

第九冊

瑤草珠華閣詩鈔

澠池

席慧文

怡珊

澹蕪軒詩稿

陽湖

張縉英

孟縱

吟紅閣詩鈔

錢塘

夏伊蘭

佩仙

綠窗吟稿

孝感

王素雯

雲仙

繡篋小集

元和

高簪

湘筠

養花軒詩鈔

東瀛

吳芸華

小茶

簪花閣詩鈔

湘潭

郭潤玉 笙愉

自然好學齋詩集

錢塘

汪端 小韞

繡吟樓詩鈔

德化

譚紫瓔 鳳芝

鵲吟樓詩鈔

黃梅

傅紫璘 雲裳

第九冊

卷一

席宜人慧文字怡珊河南澠池縣人知府椿女  
太平同知吳縣石同福室舉人峻華之母工繪  
事著有瑤草珠華閣詩鈔

瑤草珠華閣詩鈔

澠池席慧文怡珊

題外竹籬茅舍圖

茅屋任欹斜竹籬有序次莫笑似農家得此良  
不易君非風塵人亦少溫飽忘老親已懸車難  
免菽水計名利久澹忘升沈無所繫負郭苦無  
田折腰非本意何時遂初心繪圖聊自慰我亦  
愛圖間偕隱身堪寄惟祝君早歸領略圖中味

不寐感懷

燈光一點紅如豆  
紙窗風雨來何驟  
一縷清香細細聞  
擁衾愁對花枝瘦  
可憐花瘦與人同  
雨泊風飄色是空  
幾見好花能耐久  
銷魂何苦怨東風  
年年花發常依舊  
香濃百合心如繡  
好向花前把酒澆  
澆花願祝花長壽  
聽遍銅壺漏轉遙  
對花何忍把花拋  
浮生常得花相對  
燈影花香破寂寥

課花書屋坐月

清光何皎潔三五月團圓  
覓句渾忘倦披衣避薄寒  
笛聲來別院花影度迴欄  
久倚薰籠坐更籌數欲殘

金鼓洞

十萬紫琅玕冰霞洞壑寬  
佩翻瑤草麗衣纈碧雲寒  
絳鶴千年篆青童九轉丹  
飛瓊如可作攜手陟星壇

闌干四詠

百寶雕欄亞字空暖風溶漾伏天工天斜竹護  
三分碧狼藉花飛四角紅裊裊麝煙遮不斷翩  
翩燕羽曲能通梅枝棟葉吹應遍都在移春小  
檻中風

幾處尋花手自扶勾闌一桁倚晴湖平遮六六  
芝屏遠斜繞三三菊逕紆梨院春深迷蝶翅葯  
房日暖映顰鬚迴廊側立閒鸚鵡小婢攀枝特



地呼花

小窗對雪影徘徊憑遍朱欄未忍回吟絮有人  
曾倚玉畫蕉無客漸生苔閒攤素簡當牕映臥  
看珠塵入隙來十二瓊樓何處所幽人擱筆費  
評猜雪

一輪華月最堪憐幾折迴欄曲榭邊枕水朱痕  
橫畧勾穿窗素影見軟韃茶煙消盡閒猶倚詩  
韻敲成未就眠看到花枝移漸上粉牆如畫寫

銀箋月

雨窗岑寂無心握管聞淑婉妹處水仙盛  
開冒雨相訪因而小飲詩以誌之

傳聞仙子慣凌波無語盈盈蹴襪羅冒雨偶忘  
香逕滑捲簾惟恐早春過冰心豈肯離雲母素  
質原因近月娥花似有情留客醉吟懷半爲酒  
消磨

補裘

風緊霜嚴手自擎。鉞箱檢點可憐生。消磨猶漬  
征人淚。解贈常懷故友情。弱線向誰添。宛轉殘  
燈照我費經營。禦冬無復蒙茸想。補綴真如集  
腋成。

送女佩琚于歸

形影周旋二十年。數言畧贈向樽前。與儂相似  
將姑侍。願汝無違得婿憐。簫引樓臺聲自遠。花  
依籬落色逾鮮。蘋蘩琴瑟參消息。記取房中樂。

一篇

第九冊

卷二

張宜人縉英字孟緹江蘇陽湖縣人知縣琦長  
女刑部員外常熟吳贊室與妹縉英綸英純英  
並工吟詠著有澹鞠軒詩詞稿

澹菴軒詩藁

陽湖張縉英孟緹

留別弟妹

聚首旣云樂每憂分手時  
分手忽在卽離思何  
可支堂上白髮親容顏日以衰  
大人雖強飯辛  
苦獨自持慈母況抱病常藉藥  
餌資荏苒卅八  
年骨肉長相隨一旦欲睽隔  
戀戀不忍辭視彼  
投林鳥回翔繞故枝嗟余獨  
遠行何日重牽衣

舉頭見明月啞啞慈烏啼溪流爲嗚咽花影亦  
離披弟妹設酒筵殷勤勸一卮舉盞屬弟妹揮  
淚重致詞遊子曰以遠親心日以悲承歡慎朝  
夕步履謹持維親心日以康子心日以夷千里  
雖云遠魂夢常相依叮嚀再三囑不必問歸期  
努力事高堂慎莫說相思

晚渡京江

雲水蒼茫際江山舊有名暝州凝樹合秋氣入

雲平岼闊雙峰峙波澄一練橫扁舟自容與駭  
浪莫頻驚

送費印秋靜儀侍父耕亭太守官河南

五載常相聚蘭閨誼獨親與君形影合于我性  
情真忽漫成離別相攜各愴神願爲隄畔草千  
里伴雕輪

寒夜不寐懷仲遠弟

不寐厭長夜挑燈計去程一簾霜月冷千里馬



蹏輕強忍臨歧淚終傷別後情曉寒風力勁莫  
向敝裘生

病中奉酬潘虛白太夫人見贈韻

當代名媛得幾人松筠氣味鶴精神大才如海  
詩能健小別經時夢已頻天與文章傳雅教身  
兼福壽豈前因郝鍾禮法班家訓珍重千秋不  
朽身

舟次寄弟妹

挑燈獨自計歸程  
瑟瑟秋風蘆荻聲  
昨夜月明  
今夜雨助人離思  
夢難成

咏古四首

無鹽未必勝東施  
不遇齊王世豈知  
縱有奇才  
無所用  
傾城畢竟遜蛾眉

默然承恩非選色  
恩恩辭輦欲回天  
素統幸得  
藏深篋  
莫向秋風怨棄捐

終始恩誰驗  
淺深長門愁坐漫沈吟  
九天珠玉

都無補何必虛糜買賦金

狼藉雙鬟損翠眉眞珠何用慰離思  
馬嵬坡下君恩重一幅親頒白練絲

昭君二首

莫怨丹青誤此身天教豔質靖邊塵  
請看萬古輪臺月照盡長門絕代人

慷慨襟懷類請纓紅顏漫道總傾城  
未妨異域埋香骨贏得千秋不朽名

虛白太夫人屢以新詩見示作此奉柬  
水月詩懷晚更清春風拂拂筆端生年來病眼  
模糊甚但對名篇分外明

第九冊

卷一

夏文史伊蘭字佩仙浙江錢塘縣人之盛女性  
絕慧年甫笄已吟詠成集卒時年十五著有吟  
紅閣詩鈔

吟紅閣詩鈔

錢塘夏伊蘭佩仙

偶成

人生德與才兼備方爲善獨至評閨材持論恒  
相反有德才可賅有才德反損無非亦無儀動  
援古訓典我意頗不然此論殊褊淺不見三百  
篇婦作傳匪鮮葛覃念父母旋歸忘路遠栢舟  
矢靡他之死心不轉自來篇什中何非節孝選

婦言與婦功德亦藉此聞勿謂好名心名媛亦不免

大喬小喬曲

江東秀毓雙嬋娟聯珠合璧爭輝妍貂蟬獻後  
少絕色喬家二女真神仙仙乎有貌兼有福選  
得乘龍豁青目兩家夫婿盡英雄一德君臣同  
骨肉赤壁鏖兵鼎足成銅雀空餘北斗橫興亡  
何與美人事始知國色不傾城漢家遺恨悲不

競贖得文姬重相慶風流韻事說三吳如此紅  
顏非薄命

小青曲

春波泛碧春草綠一抔香土埋香玉蕙性蘭心  
絕世無可憐令落陽春曲憶昔閨中待聘時明  
珠無價玉無疵蓬門不憚牽蘿瘁漆室疇聞倚  
柱悲輕狂偏有錢塘壻費却黃金買佳麗豈料  
南粲竟少恩小星三五難援例牡丹一曲韻纏



綿午夜挑燈誦悄然吟到返魂聲慘切梅癭柳  
瘦更誰憐憐卿才貌俱雙絕妬花風惡多磨折  
嚙臂猶留前日盟同心已斷來生結多少傷心  
泣暗吞紅羅三尺報深恩如花麗質今何在空  
賸鮫綃舊淚痕瓊葉仙眉經淡掃桃花人面依  
然好湖濱風口似當年可惜玉容人已老更有  
荒涼蘇小墳殘碑終日倚河濱儂家無限憐香  
意一樣西泠弔美人

秋興

西風簾半捲繡閣恣徜徉涼翠滿窗竹秋紅暈  
海棠茗鑪閑裏適鍼黹靜中忙要趁斜陽好呼  
鬢曬縹緗

月餅

做到團圓月晶盤貯宛然平分十字好小印二  
輪圓秋味中邊徹現形大小聯題餽期不遠重  
九再開筵

聖因寺攬勝樓

覽勝還將勝境登幾回小憩倚枯藤竹聲多似  
清吟客棹格高如戒行僧遊愛早春人寂靜飲  
當薄醉興暫騰散花我本天僊女勝果能參最  
上乘

卽景

淡對琴書百慮空新涼最好倚簾櫳半窗秋影  
梧桐月一枕香魂茉莉風綺語漸消詩句裏閒

情都付茗甌中拈鍼不慣拈毫慣翻爲耽吟誤  
文工

暮雨初過喜而賦此

湘簾小缺漏斜陽熱惱蒸人氣鬱蒼忽地墨雲  
催急雨天公借我一宵涼

第九冊

卷四

王女史素雯字雲仙湖北孝感縣人諸生之棟  
女監生蕭道藩室工小楷尤精音律著有綠窗  
吟稿四卷

綠窗吟稿

孝感王素雯雲仙

答外寄物

遺我雙玉環寄我相思字環以表同心字印相  
思淚寄物卽寄情令我心如醉鍾情情不移干  
古應無二永終期百年莫作秋紈棄

短歌行

君不見金谷園中生暮煙春深草綠蝴蝶眠又

不見五侯門前僂僂子朝披襖褐暮衣紫人生  
富貴會有期悠悠卻似東流水昔日淮陰奮起  
時飛揚跋扈一男兒良弓藏庫走狗斃忘卻身  
當累卵危得進不思退智者猶昧之何況我手  
無縛雞妄談屢屢烹伏雌鸚鵡杯鷓鴣勺眼前  
有酒且爲樂昨日已去不可留來日今朝今又  
昨幾人願從赤松遊空嚮華亭悲候鶴

展墓晚歸

展墓歸來晚肩輿任緩行當頭迎月上撲面受  
風輕樹短疑人立村遙辨犬聲疎林燈火出戍  
鼓動高城

冬日偶成

暗蹴湘裙下繡牀登樓一望曉蒼蒼雪調膩粉  
勻山面霜透尖風冷騶駟遊子敝貂悲遠道美  
人擁翠怯晨妝灞橋亦有騎驢客消受梅花幾  
許香



塞上

萬里胡沙萬里程  
舊從秦漢已交爭  
霜肥苜蓿秋調馬  
雪滿弓刀夜薄營  
青塚草含依闕淚  
遙天雁載繫書情  
男兒固有封侯志  
那似安邊不用兵

歡聞歌

人誰身不惜  
大義胡可辭  
儘力報郎恩  
中心敢自欺

古意二首

欲行何戀戀語咽意重重  
情知不忍別翻作歡  
欣容

澹泊本自甘纏綿復相憶  
願爲明月光千里伴  
郎側

寄外

曾修尺素寄相思別淚千行一首詩  
料得遠人知妾意不因金少滯歸期

雜詠二首

呢喃乳燕日飛飛  
擇地營巢獨我依  
記取故人情意重  
春來莫嚮別家歸

撼屋風聲似怒濤  
茜紗窗外月輪高  
侍兒解得無言旨  
勸我聽郎讀楚騷

邯鄲題壁

沈沈旅壁曙光遲  
禿筆猶堪和舊詩  
一枕自知無好夢  
封侯事不到蛾眉

自慰

瀟灑蓬茅我自如任他良驥駕高車囊中幸有  
餘錢在不買鈿花盡買書

寄外

姑病新痊妾始歡蓄將甘旨勸加餐得來一紙  
平安信先奉思兒淚眼看

春夜

春雨淋漓夢不成聽來都是助愁聲盈盈淚溼

鴛鴦枕未許郎心徹底明

贈尼

認假爲真未便真無緣究是有緣人當年若惜  
紅顏好鏡裏如今白髮新

閨情

西風颯颯雨潛潛寶鏡新磨盡日間欲寫形容  
寄憔悴又愁憔悴損君顏

第九冊

卷五

高女史簪字湘筠江蘇元和縣人經歷敬長女  
巡道翔麟妹舉人朱綬室夫婦俱擅詩名著有  
繡篋詩詞小集

繡篋小集

元和高 簪湘筠

兩婕妤

猛獸逸圈勢何急合殿倉皇驚莫及壯哉婕妤  
當御立感君恩重輕妾身掖庭佞兒安足瞋日  
蝕山崩妾無語會見政君來殺汝可憐漢天子  
皇孫燕啄矢後來辭輦人藏扇長已矣嗚呼辭  
輦生當熊死兩婕妤重青史

誦父書

中郎誅史才滅文姬流異書絕魏公不惜千黃  
金知妾父書能誦憶歸來託命對新人苟活草  
閒慚節烈人生倉卒難引訣從古盛名多瓦裂  
異域兒生不知恥鞠育恩深念無似外甥濟濟  
況多才視彼仲宣羊叔子嗚呼文姬何不死

金匱詞

丈夫臨事當自決謀及婦人必亡滅手操麵杖



作勸駕寡婦孤兒殿中泣焉知綢繆金匱辭花  
面老臣能主之婦人貽誤有如此德昭自朕廷  
美死

解袂悲

嫡母死金瓜下察入誅壽寧寡劉妃顏色誰圖  
寫南侵欲立吳山馬海陵虐政何紛紛妾行不  
行皆累君含啼解佩與君訣死妾死身君身良  
鄉碧水何粼粼君不見韋娘嫁後龍沙隔柔福

空歸海上春

題樓節母篝燈夜績圖

昔讀青邱詩中有辟纁吟賢哉兩節母異世同  
所欽嗚呼婦人倚仗夫與子夫死婦生婦如死  
立孤殉節何者難義貴就難載彤史上視天滄  
浪纍纍逋負將安償下顧黃口兒臥啼東壁無  
完裳續麻一束麻絲斷續淚滴眼枯水寒手曲  
黃鵠徘徊哀鳴向天霜風吹野迫於下泉十年

貌毀心不改苦雨寒更一燈在見能成立婦殉  
夫賢哉此母今所無

和外梁鴻墓作

要離碑沒金閶路云有前朝伯鸞墓行人下馬  
問斜陽憑弔荒煙起微慕嗚呼儒林獨行何代  
無披裘把釣皆其徒昔賢出處自千古佳耦亦  
與凡人殊練裳椎髻辭鄉里偕隱青山澹榮仕  
歎息吳中綺縠人四方匹帛良家子高節難求

風教薄賃春心事嗟寥落長卿慢世婦當爐子  
雲識字身投閣先生道高非隱淪五噫歌罷徒  
悲辛能從廡下識奇士尙憶皋橋賢主人

項烈婦詩

烈婦項氏歸于汪食貧鴻案能相莊昊天不弔  
罹厥殃夫攫沈疾中心傷君生妾生亡妾亡比  
翼願化雙鴛鴦鴛鴦會雙死桐枯見梧子萬古  
千秋恨血斑婦殉夫亡一朝耳伯兮叔兮善事

姑舅姊兮姒兮延我夫後妾心祇欲從下泉妾  
死豈圖名不朽從容就義古所難正氣乾坤有  
時有

春雨

春雨細催花春寒護碧紗  
暝雲三兩合歸燕一雙斜  
南陌添芳草東郊冷鈿車  
杜鵑如有恨啼夢向天涯

寄西生秣陵

西風千里罷憑闌六代繁華一瞬殘夜雨豈宜  
愁裏聽秋山都向夢中看美人歌舞銷沈易才  
子文章遇合難不用登臨更惆悵白雲紅樹滿  
江干

第九冊

卷六

吳女史芸華字小茶號石溪漁女江西東鄉縣人黔西知州嵩梁次女德化諸生陳世慶室善畫墨蘭著有養花軒詩鈔

卷六

養花軒詩鈔

東鄉吳芸華小茶

南湖曲

南湖昨夜春風回清波十頃琉璃開千條楊柳  
圍綠水人家半住春陰裏畫船簫鼓乖韶光尋  
春不覺春晝長獨倚樓窗看山色匡廬遠翠生  
微涼

七夕懷蔡紫瓊妹



憶昔逢佳節同穿月下鉞傳觴留坐久絮語見  
情深繡院呈珍果蘭房理素琴良辰猶似舊雁  
字惜分襟

春雨

朝來酥雨乍廉纖惻惻輕寒上繡簾隔院小桃  
紅欲破半池新草綠頻添妝臺撲蝶情初倦杯  
酒聽鶯夢亦甜不信賣花聲過處香風幾陣撲  
雕奩

惜春

春光欲去奈春何無計留春恨轉多  
桑徑人稀蠶漸老杏園紅減蝶初過  
階前別夢依芳草池上愁懷寄綠波  
荏苒韶華三月盡不堪攬鏡畫雙蛾

丙申除夕

數聲爆竹送年華列炬通宵映碧紗  
柏葉釀成迎歲酒竹爐煎就祭詩茶  
煙籠北牖宜春帖香

溢南枝帶雪花呵凍拂箋還自笑春光也許到  
寒家

雨後得家大人書

苦雨黃昏夜愁來更喜吟家書春後到添我憶  
親心

寄外

千里尺書難眠食君其慎拋得一分愁減却三  
分病

春日卽事

一春愁病強相支  
繡罷焚香誦小詩  
心事滿腔人不識  
花前說與海棠知

題自畫墨蘭

青蘭學寫豈能工  
略帶瀟湘一段容  
偏與貧家風味似  
祇宜清瘦不宜濃

秋夜聽雨

悄悄小雨逼離愁  
酸淚都從枕上流  
忽聽西風

吹落葉一聲葉是一聲秋

腊月初三夜作時聽熨應邵試未歸

梅花伴我坐寒帷月影風聲夜漏遲誰道關山  
能遠隔別來一夜也相思

落花

閉戶傷春一卷隨傾城命薄我同悲明知落不  
因風事不怨東風却怨誰

秋夜

深秋夜色最蒼茫  
池上鴛鴦不畏涼  
笑坐小亭花影上  
滿身都是白蓮香

癸未歸寧東鄉留別郭筠英夫人

相依數載受恩私  
今日誰知又遠離  
畢竟情深難作別  
燈前絮語問歸期

將之東鄉以駱綺蘭聽秋軒詩留別紫瓊  
妹

讀畫經年共此心  
瀕行彌覺感難禁  
禁佩香詩橐

聊相贈開卷應知憶我深

寄外書

窗外風聲窗裏寒錦帷香燼漏聲殘挑燈親把  
紅箋寫寫到相思下筆難

偶作

繁華一任付東風卅載浮生若夢中閉戶惟耽  
經一卷夢騎黃鶴訪騰空

除夕憶外

時外客京師

卒歲無貲暗自傷每逢除夕倍淒涼憐君異地  
思親切又恐思儂亦斷腸

和小坡大兄生挽詩五首

纏綿一病已三秋世事茫茫付水漚自挽詩成  
春去也落花瘦蝶替君愁

勸扶病體且尋歡何必愁嗟一味酸縱欲雲中  
騎鶴去人間只恐債難完

荆樹摧殘已一枝

二兄先歿雁行何忍又分離難爲



季子

謂三兄  
瘦生

難爲妹未別先教兩淚垂

記昔同居石溪館新詩教誦累君勞而今兄妹  
同愁苦悔煞當年讀楚騷

父羈薄宦我歸寧惟藉吾兄作主人一病倘然  
真不起誰憐無母客中身

壬辰春日贈魏蘋香女史

我居東邑君金邑同作東風旅寓身吟遍雪中  
梅萬樹相憐不是故園春

奉和筠英夫人寄懷元韻

花陰蝶夢恨春闌  
寄念東君意淼漫  
我在石溪爲客久  
歸鄉無計獨凭欄

石榴花

絳囊初綻露華滋  
佳種偏于小院宜  
最愛一天疎雨後  
輕風細剪碎胭脂

寄紫瓊妹

又見春紅罨畫欄  
感懷時有淚珠彈  
九年離別

天涯隔欲訂歸期却竟難

第九冊

卷七

郭夫人潤玉字昭華一字笙愉號壺山女士湖南湘潭縣人鄆縣知縣汪燦次女陝西巡撫湘陰李星沅室與姊漱玉並工詩著有簪花閣詩鈔梧笙館聯吟集

簪花閣詩鈔

湘潭郭潤玉笙愉

過江西十八灘

滔滔峽江水水氣連山黑怪石立波心奇峯環  
岸側扁舟泝流上驚濤勢相偪忽如雷霆怒萬  
竅吼不息又如征戰場戈馬互奔勒入耳先震  
動過目猶悚仄須臾泊沙瀨煙樹盪秋色

送南屏兄省試

不負青雲志相期泮水頭  
弓裘懷舊業書劍壯南游  
柳色送雙槳荷花香一舟  
好音須寄我悵望大江樓

晚眺

日暮登高閣林梢挂夕陽  
雨餘螺黛重風軟蝶衣涼  
竹葉翠依水豆花紅過牆  
蕭然動遐想此景似瀟湘

山行

青山何斷續一帶草萋萋人語白雲近水光紅  
日低奇峯如列障怪石宛乘梯我欲揮車上天  
高不可躋

石梧移館來鶴亭詩以奉寄

聞說新居勝舊居日長人靜午窗虛數竿修竹  
如良友一院濃花比異書蘭葉清香環榻畔海  
棠沈睡倚闌初可知高士行吟處應爲敲詩一  
憶余

石梧使蜀歸以詩述山水之勝奉答

梅影參差送晚香  
綺窗小坐話偏長  
千秋勝蹟開圖畫  
百首新詩貯錦囊  
唐代文章今宛在  
漢家樓閣已荒涼  
羨君重載郵筒酒  
萬里橋西一草堂

送石梧按試高州

乍銜丹詔下南天  
驛騎偕行路幾千  
共羨使星明瘴海  
又添離緒入蠻煙  
梅花正好催詩興  
江



水偏教送客船爲約明年歸旆早綵衣重舞畫  
堂前

午倦

惱殺亂鶯啼聲聲來繡閣喚醒午時眠簾外桐  
花落

雨湖晚眺

高樓遙望暮煙生幾處漁舟泊岸橫湖水接天  
天接水星光燈影不分明

新苔

平蕪眺盡草芊芊已覺春光劇可憐  
十日東風三日雨又看新綠到階前

咏風鈴

懷親千里動離愁彷彿丁當響畫樓  
細雨斜風聽不得秋闌無夢到彬州

冬夜

迢迢風雪路三千回首離觴已一年  
只有多情

窗上月照人清夢過東川

偶成

春風善病嬾梳頭幾日珠簾未上鉤又到踏青  
好時節菜花香近夕陽樓

和外春闈獲雋韻二首

江干惜別賦離騷盼得名成甲第高想見紅綾  
恩宴日杏林花氣襲宮袍

一曲霓裳天上頭衆仙同日步瀛洲從今好譜

簪花閣詩鈔

如題別館詩集

王三十七

鸞簫奏清俸雙修寫韻樓

暮秋和外

細讀新詩破寂寥  
紅閨人靜篆煙銷  
西行此日無冰雪  
應過秦關第幾橋

第九冊

卷八

汪宜人端字允莊一字小韞浙江錢塘縣人湖  
北同知陳裴之室夫婦工詩時稱佳偶著有自  
然好學齋詩集

自然好學齋詩集

錢塘汪端小韞

孫節婦詩

節母程孀于孫閱六載琴瑟敦夫天亡妾無子  
死從夫生何恃墮樓不死神扶持投繯復被旁  
人知舅姑來向婦泣兩叔未娶親髮白汝夫不  
幸歸黃泉汝宜代夫盡子職舅姑言終婦淚流  
婦敢先死貽親憂良人地下姑少待此身暫爲

雙親留下撫兩叔上侍舅姑數年月照羅幃孤  
夫已墓木拱妾亦淚眼枯嗟哉兩叔相繼歿舅  
姑心摧婦泣血所遭竟如此天心詎可測鬻我  
嫁時釵開我鑊金箱爲翁置妾延烝嘗叔生未  
幾翁姑亡孤嫠弔影增淒涼族中鬼蜮憑陵久  
熒熒衰門妾獨守叔長娶婦婦舉男妾抱字之  
夫有後畫荻丸熊心力瘁兒年十八遊泮水兒  
遊泮母心喜可見舅姑夫子矣六十八年完節

身生固非生死非死嗚呼立孤難死節易嬰與  
杵當年事處易不得迺處難請看桐鄉節母茹  
荼志巾幗鬚眉固無異

秦溝粉黛硯歌

涇邑某氏藏古硯澄泥也紅白青翠斑  
剝錯落若珠璣上有建業文房印余忠  
宣銘注以爲秦阿房宮溝官人傾粉澤  
脂水所成洵異物也紀之以詩



南唐硯山不可見人閒猶賸南唐硯香姜銅雀  
久銷沈幻出秦宮雲一片六國蛾眉競曉妝歌  
臺舞殿起阿房星熒明鏡驪山遠漲膩凝脂渭  
水香四圍錯落珠璣細粉暈斑斑黛痕翠臨波  
想見卷衣人玉姜艷逸文馨麗深鎖長門卅六  
年魚膏銀海闕重泉御溝空照秦時月春水流  
花冷暮煙楚人一炬悲焦土留得殘甃碧苔古  
建業文房好護持鍾山小隱風流主金縷應填

絕妙詞新聲曾譜恨來遲紅羅亭榭瑤光殿知  
付娥皇付保儀一行題跋忠宣筆昆刀細劃龍  
山雪早春獨殿賦梅花不礙廣平心似鐵何處  
香花識舊墩百年流轉到清門松煙寒滴蟾蜍  
淚蘭篆紅銷蜥蜴魂秦臺未到吹簫處秦山尙  
有宮人墓澄心堂紙玉管毫夜燈還寫阿房賦

題張雲裳妹鄧尉探梅圖

仙人功甫之女孫梅花爲骨永爲魂探幽曾訪

鄧尉麓衝波畫舫攜清尊銅坑山前萬枝雪玉  
照堂前雙管筆嫩寒破曉梅花煙浮香弄影梅  
花月峰峰積翠明春霞美人小影原梅花瓊枝  
世外藐姑射縞袂林閒萼綠華青邱佳詠多才  
語擊鉢催詩驚翠羽永盍愛學壽陽妝綺閣曾  
摹寫神譜鴛湖內史丹青工鵝谿三尺圖春風  
斜枝老幹古苔碧橫峰側嶺晴嵐濃我昔扁舟  
花海去柴門正對花深處玉龍吹罷鶴飛來歸

夢如煙不知路吾翁浮宦姑蘇臺碧城壇坫紗  
帷開金釵弟子盡明麗雲容似爾真僊才香海  
清遊吾未往披圖羨爾浮蘭槳倚來翠袖萬峯  
臺暗香三弄羣山響明歲梅花春水寒孤山千  
樹約君看湖陰寫韻高樓在踏雪還應訪彩鸞  
謂吳蘋香

小青

焚餘詩草返生香遺集真應號斷腸齊國淑妃

原著姓蔣家小妹是同鄉鏡湖桃葉鷗盟遠畫  
閣梅花鶴夢涼最憶橫波摹小影眉樓一角寫  
斜陽

題林天素山水冊同陸琇卿夫人作四首  
茆亭踈樹俯江光小字珠圓墨暈香更寫叢蘆  
寒雁影月明秋夢落瀟湘

草堂花竹帶春星畫院嬋娟豔尹邢

謂雲友

白鷺

衝煙窺點筆美人湖上遠山青

仙霞歸去離筵餞淚灑琵琶一曲歌回首西泠  
芳草路楊娃墳畔落花多

莫漫姻緣說意中眉公才調似坡公祇因問字  
梅窗下對寫青山燭影紅

第九冊

卷九

譚女史紫瓔原名德馨字鳳芝江西德化縣人  
處士萃清長女蔡澤春室善楷書著有繡吟樓  
詩鈔

繡吟樓詩鈔

德化譚紫嬰鳳芝

讀書

讀書觀大義不在字句閒  
拘儒守行墨絕業難  
躋攀我雖閨閣才生性頗不頑  
自幼習詩書雅慕扶風班  
淵博非敢望風雅或能嫻  
開卷對古人此心真閒閒

夏日遣懷



盡日槐陰下拈毫獨自評  
消將長晝暑吟得午  
風清縱有妝臺句徒爭女史名  
北窗聊遣悶何  
以慰生平

秋夜懷蔡妹紫瓊

繡罷燈前偶賦詩  
披將尺素寫新詞  
梧陰滿地添秋色  
蟲語盈階動客思  
有句敢云陪道韞  
無琴何幸侍文姬  
緘情密寄香閨去  
生恐來朝雁到遲

題萬篆卿夫人韻香書室圖

小剔金蟲傍綺疏  
黃昏庭院上燈初  
曾攜天上無雙侶  
共讀人閒未見書  
此日不堪重想像  
當年肯負好姑諸  
披圖我亦傷心甚  
道韞風神畫弗如

別紫瓊妹

蘭閨同把晤  
攜手意何親  
那料歸期促  
衷腸話未伸

春興

春光明媚畫樓前  
早起攀花翠滴肩  
爲問紅簫吹也未  
醺人風是賣飴天

寄外姊胡仙霞二首

寫將離悵付星軺  
愁隔雲山萬里遙  
何日蘭閨重把袂  
燈前聽話粵東潮

別緒吟來淚兩行  
知君思我亦神傷  
回書應置河魚腹  
一路隨潮到故鄉

憶母

膝下依依廿二春于歸賦後倍傷神可憐慈母  
永霜苦女大何曾奉養親

月夜寄懷花姊倚雲蔡妹紫瓊

萬里秋情助苦吟碧天時感素娥心捲簾試問  
多情月三處離愁那處深

先父忌日作

不省音容涕枉垂

先父亡年廿一時余甫週歲

吟將一字一

聲悲深恩欲報從何報可許來生再作兒

寄紫瓊妹

親把瑤箋手自裁寫將離思寄妝臺  
濃心盡日真如結除是君來解不開

月夜

一庭明月泛清光到眼頻疑地上霜  
坐久不知蓮漏永滿身花露溼衣裳

題王雲仙女史綠窗吟藁

新詩展玩興偏長  
誦罷猶餘齒頰香  
脫盡紅塵脂粉氣  
半風流處半端莊

第九冊

卷十

傅女史紫璘原名榮芝字雲裳湖北黃梅縣人  
戶部郎中家顯次女孝感蕭道瀟室以清節稱  
著有鵲吟樓詩鈔

鵲吟樓詩鈔

黃梅傅紫璘雲裳

遊仙吟

珠樹玲瓏日初上五雲樓閣排千丈玉籤十萬  
擁仙書朱篆丹文映羅幌雙童導我登層樓捲  
簾坐看滄海秋忽聽擲笛月明處飄落梅花滿  
十洲

贈蔡超羣女史



溱江有女史落落擅清才妙句珍貽錦仙姿秀  
比梅乘龍欣玉樹投燕合珠胎更有增憐處靈  
心不染埃

和五叔祖愛菊原韻

漫誇桃李色雅愛菊秋天雨露滋培厚風霜閱  
歷全酒招元亮飲咏起少林眠醉盼東籬下何  
容俗慮牽

留別譚姊鳳芝

爭誇吐鳳描眉才何幸芸窗結伴來韋母幃前  
同問字文姬席上共啣杯從前快覩芳容近此  
後頻須素柬裁料得吳峯兼楚浪會期只合夢  
中猜

題蔡紫瓊妹花鳳樓吟稿

憶昔敲詩共酌斟花晨月夕共追尋味醇似飲  
樽中酒韻叶如調石上琴萍水最憐青眼睇梨  
雲無奈畫簾沈旁人不解傷心事妙句流傳向

我吟

春夜獨酌

寂寞春陰裏  
東風幾度催  
開窗坐明月  
杯酒醉寒梅

和蕭壠仙小姑留別原韻

採來芍藥送行人  
爲到離時意倍真  
記取索居懸盼切  
好隨征雁寄書頻

琵琶亭

荻花楓葉使人愁  
商婦當年古渡頭  
得遇江州白司馬  
宦情離恨各千秋

和譚鳳芝姊寄懷原韻

脈脈離情強自支  
開軒怕誦采蕭詩  
空階雨過逢新月  
對月懷君只月知

雪中偶成

霜滿瑤階月滿樓  
半簾寒氣逼鷗裘  
侵晨小婢稱奇事  
窗外梅花盡白頭

月夜偕諸姊妹泛舟二首

輕舟蕩漾繞煙霞  
比屋鱗鱗四面遮  
轉過湖心亭一座  
小橋通處路欹斜

月光如水水如天  
天水空明一色連  
疑是廣寒同奏曲  
羽衣伴侶任翩躚

寄懷癯仙小姑

一行書札寫萍蹤  
幾度緘封又啟封  
珍重歸期須記準  
梅花時節與君逢

將歸孝感留別郭筠英太夫人

欲挂輕帆返故鄉  
銘心恩義總難忘  
相依尙覺承歡少  
忍話離情不斷腸

別花倚雲姊

楓林兩岸葉飛丹  
相對離人淚暗潛  
雲影孤帆殘照裏  
不堪回首望潯關

哭蔡紫瓊妹二首

連年韻事結心知  
豈意人琴遽別離  
午夜芳魂

頻入夢相依長願醒來遲

玉質金心豔並誇東風紅雨散天涯而今那有  
聯芳日怕看牆邊姊妹花

題萬篆卿夫人韻香書室圖二首

月宮金粟一枝開親見郎君手折來五載青燈  
塵夢了料應含笑返泉臺

控鶴已登銀界外簪花更醉玉堂前西池女伴  
西清客天上人間各是仙